

ԲՅՈՒՋԱՆԴԱԳԻՏԱԿԱՆ 5-ՐԴ ՍԵՍԻԱՆ

1950 թ. դեկտեմբերի 6—9-ը Մոսկվայում տեղի ունեցավ ՍՍՌԽ Գիտությունների Ակադեմիայի Պատմության ու Փիլիսոփայության բաժանմունքի սեսիան՝ նվիրված բյուզանդագիտության հարցերին:

Ակադեմիկոս Բ. Գ. Գրեկովի բացման խոսքից հետո, Սովետական բյուզանդագիտության խնդիրները մեծ հետաքրքրություն ներկայացնող զեկուցումով հանդես եկավ ՍՍՌԽ Գիտությունների Ակադեմիայի Պատմության ինստիտուտի բյուզանդագիտական իմրի ղեկավար ակադեմիկոս Ս. Ա. Կոսմինսկին: Հոկտեմբերյան Սոցիալիստական Մեծ ունուցիայի հաղթանակի հետևանքով, — նշեց Ս. Ա. Կոսմինսկին, — աշխարհիս ժողովուրդների մի զգալի մասը, տապալելով իմպերիալիզմի շղթաները, վիթխարի թոփք կատարեցին և թևակոխեցին կոմունիստական հասարակարգ կառուցելու դարաշրջանը: Սովետական պատմագրության առջև այժմ ծառացած են նոր պրոբլեմներ ու հարցեր:

Մենք այժմ շատ ավելի լրջորեն ու խորությամբ պետք է ուսումնասիրենք Բյուզանդիայի, Հայաստանի, Վրաստանի, սլավոնական երկրների պատմությունը, մենք պետք է պարզենք, թե Հայաստանն ու Վրաստանն ինչ ազդեցություն են թողել Բյուզանդիայի արևելյան պրովինցիաների վրա, սլավոնները ինչ դեր են խաղացել Բալկաններում և այլն:

Հարցերի այս բարդ կոմպլեքսի ուսումնասիրման քնազավառում մեծ անելիք ունեն սովետական բյուզանդագետները, որոնք արդեն հրապարակ են հանել ու քննարկել մի շարք սկզբունքային հարցեր՝ Բյուզանդիայի պատմության պերիոդիզացիայի հարցը, ստրկատիրության անկման ու ֆեոդալիզմի հաղթանակի հարցը, սոցիալական շարժումների հարցը, գյուղացիության հարցը և այլն:

Այս հարցերի մշակման ընթացքում, անշուշտ, եղել են սխալներ: Գերազնահատվել են նասիասովետական շրջանի ուսումնական բյուզանդագետների աշխատությունները, ոչ բավարար չափով են քննադատվել բուրժուական բյուզանդագետների հակագիտական կոնցեպցիաները, հաճախ քննվել են երկրորդական նշանակություն ունեցող — մանրուքային հարցեր և այլն:

Այս սխալների մի մասն արդեն հաղթահարված է:

Մենք մեր հետագա աշխատանքների ընթացքում պետք է ամրապնդենք գիտական ամենօրյա կապերը Մոսկվայի, Լենինգրադի և Սովետական Միության այլ քաղաքների ու ուսպուրիկանների, առաջին հերթին՝ Հայաստանի և Վրաստանի բյուզանդագիտական կադրերի հետ:

Այդ դեպքում միայն մենք կկարողանանք լուծել ու մշակել մեր առաջ դրված հետևյալ կարևոր պրոբլեմներն ու հարցերը.

- 1) Բյուզանդական գյուղացիության պատմությունը.
- 2) Բյուզանդական քաղաքների պատմությունը.
- 3) Բյուզանդական ֆեոդալիզմի պերիոդիզացիան.
- 4) Պայքարը արևմտյան նվրոպայի և հատկապես ամերիկյան ամենաոռակցիոն բյուզանդագիտության դեմ.
- 5) Բյուզանդագիտության պատմության և աղբյուրագիտության հարցերի մշակումը և այլն:

Այնուհետև ակադ. Ս. Ա. Կոսմինսկին խոսում է ՍՍՌԽ Գիտությունների Ակադեմիայի Պատմության և Փիլիսոփայության բաժանմունքի և Հայկական ՍՍՌ Գիտությունների Ակադեմիայի միացյալ հորեյանական սեսիայի մասին, որը տեղի ունեցավ 1950 թ. հոկտեմբերին Երևանում: Այդ սեսիան ցույց տվեց, — ասում է Ս. Ա. Կոսմինսկին, — թե որքան արդյունավետ է համատեղ աշխատանքը: Հայագիտությունը ի վիճակի է լուծելու մի շարք մուք հարցեր՝ կապված Բյուզանդիայի պատմության հետ, իսկ հայերեն հազարավոր ձեռագրերը, որոնք պահվում են ձեռագրական կուլտուրայի մեծահարուստ շտեմարան Մատենադարանում, մեծ հետաքրքրություն են ներկայացնում նաև բյուզանդագիտության համար:

Ակադեմիկոս Ե. Ա. Կոսմինսկին հարց է բարձրացնում հայերեն սկզբնաղբյուրների հայերեն և ռուսերեն լեզուներով հրատարակման մասին:

Իր զեկուցման վերջում Ե. Ա. Կոսմինսկին շնորհավորեց բազմաշխատ բյուզանդագետ, Հենինգրադի համալսարանի պրոֆեսոր Մ. Վ. Լեշենկոյին, նրա ծննդյան 60-ամյակի կապակցությամբ: Հորելյարին ողջունեցին նաև Բ. Բ. Գրեկովը, Ե. Է. Լիպչիցը և ուրիշներ:

Պրոֆ. Մ. Վ. Լեշենկոն զեկուցեց «Ի. Վ. Ստալինի «Մարքսիզմի վերաբերյալ լեզվաբանության մեջ» և «Լեզվաբանության մի քանի հարցերի շուրջը» աշխատությունների արժեքը սովետական բյուզանդագիտության համար» թեմայով:

Զեկուցողը ցույց տվեց ընկեր Ստալինի հանճարեղ աշխատությունների նշանակությունը սովետական լեզվաբանությունը փակուղուց դուրս բերելու և մարքսիստական լեզվաբանության պարզացման գործում և կանգ առավ հատկապես բյուզանդագիտական այն պրոբլեմների վրա, որոնք նոր լուծում են ստանալու ընկեր Ստալինի աշխատությունների լույսի տակ: Պրոֆ. Լեշենկոն նշեց, որ չափազանց վատ է կազմակերպված գիտա-ստեղծագործական դիսկուսիաների և ազատ բնադատության գործը:

«Византийский Временник»-ում շեն հրատարակվում բնադատական հոդվածներ ու գրախոսականներ սովետական բյուզանդագետների աշխատությունների մասին: Բյուզանդագետները բիշ են շփվում միմյանց հետ, գիտական սեսիաներ պարբերաբար շեն կազմակերպվում և շեն ապահովվում բոլոր բյուզանդագետների գործարար մասնակցությունն այդ սեսիաներին:

Սովետական բյուզանդագետները դեռ շեն կարողացել լուծել մի շարք կարևոր հարցեր (և՛ ինչ է «Բյուզանդիայի սկիզբը», Բյուզանդիայի պատմության պերիոդիզացիայի և բաղաձայնի պատմության ու էություն հարցերը և այլն): Այս և նման հարցերն իրենց լուծումը կստանան միայն մարքսիզմի կրթիկների աշխատությունների խորն ուսումնասիրության և առողջ գիտական դիսկուսիաների միջոցով:

Նույն օրը՝ դեկտեմբերի 6-ին, «Բյուզանդիայի բաղաձային բնակչության ժողովրդագրական շարժումները IV դարում և V դարի սկզբին» թեմայով զեկուցմամբ հանդես եկավ Սվերդլովսկի համալսարանի պրոֆեսոր Մ. Յա. Սյուզյումովը:

Զեկուցման հիմնական թեզերը հետևյալներն են.

Ստրուկտուրայի ուղղության (օգտագործում ենք զեկուցողի տերմինը) և բարբարոս ցեղերի արշավանքներն այն հիմնական ֆակտորներն էին, որոնք իրենց կնիքն են դնում ուշ Հռոմի և վաղ Բյուզանդիայի հասարակական կյանքի բոլոր բնագավառների վրա: Բյուզանդիայի առանձնահատկությունը IV դարում այն էր, որ նա, ուժերի մեծ լարվածության և ներքին ու արտաքին բաղաձայնական ռեակցիայի գնով, կարողացավ հետաձգել ստրուկտուրայի հաղթանակը մի քանի դարով: Այդ հաջողվեց, որովհետև Բյուզանդիայում կային տնտեսապես հզոր և առևտրի ու արհեստների կենտրոն հանդիսացող բաղաձայններ և զարգացած ներքին շուկա, այլ խոսքով Բյուզանդիայում կային ուժեղ դասակարգեր ու դասեր, որոնք շահագրգռված էին ստրկատիրության պահպանմամբ:

Որո՞նք էին ռեակցիայի հաղթանակի հենարանը հանդիսացող այդ շերտերը: Հստ զեկուցողի բաղաձայն լյուսպեն-պրոլետարները, որոնք կերակրվում էին ստրկատիրական հասարակության փշրանքներով և այն արհեստավորները, որոնք օգտագործում էին ստրկական աշխատանքը և որոնց համար կենսական նշանակություն ունեին ներքին շուկայի առկայությունը:

Նվ ահա, դեմագոգիայի տարբեր միջոցներով (բրիստոնական բարոզ, կրկեսային ներկայացումներ, հասարակական ճաշկերույթներ և այլն), ստրկատիրական ռեակցիան իր կողմն է գրավում վերահիշյալ շերտերին և դարձնում նրանց ռեակցիայի հենարան: Սրանք էին պրոֆ. Մ. Յա. Սյուզյումովի զեկուցման հիմնական եզրակացությունները:

Սակայն չի կարելի շնչել նաև զեկուցման թերի կողմերը:

Զեկուցողը ուսումնասիրելով Բյուզանդիայի բաղաձայնների ժողովրդական շարժումները, աշխատող էր արել ստրկատիրության դեմ ուժեղ օպոզիցիայի հիմնական բաղաձայնիչ շերտերին՝ ստրուկտուրային ու կոլոններին, ռատի և, ըստ էության, նա քննել էր ոչ թե ժողովրդական շարժումները (ինչպես վերնագրված էր զեկուցումը), այլ, վերջին հաշվով՝ ստրկատիր դասակարգի տարբեր շերտերի փոխհարաբերության ու ռախումների պատմությունը:

Զեկուցման շուրջը բացված մտքերի փոխանակությանը մասնակցած ընկերները կանգ առան զեկուցման արժեքի, ինչպես և թերությունների ու վիճելի կողմերի վրա:

Սեսիայի հաջորդ նիստում (դեկտեմբերի 7-ին) զեկուցումներով հանդես եկան բյուզանդագետներ Զ. Վ. Ուդալցովան (Մոսկվա) և Ե. Է. Լիպչիցը (Լենինգրադ):

2. Վ. Ուդալցովան ուսումնասիրելով VI դարի պատմագիր Պրոկոպիոս Կեսարացու աշխատությունները, ընդամենը նրան որպես հին ստրկատիրական արիստոկրատիայի իդեոլոգ և սենատորական դասի շահերի պաշտպան, բացահայտեց նրա քաղաքական հայացքները և ցույց տվեց, որ նա թշնամական վերաբերմունք ունենալով ժողովրդական շարժումների հանդեպ, աշակերտված ու տենդենցիոզ է ներկայացրել այդ շարժումների մասին փաստերը: Այնուամենայնիվ, նրա աշխատությունները հարուստ տվյալներ են պարունակում VI դարի Բյուզանդիայի ժողովրդական շարժումների պատմությունն ուսումնասիրելու համար:

Ջեկուցողը մանրամասնորեն խոսեց 532 թ. ապստամբության, Հուլիանոսի ղեկավարությամբ Պաղեստինում ծավալված շարժման և բյուզանդական բանակում բռնկված ապստամբությունների մասին: Հուստինիանոս կայսեր նվաճումներից հետո և նվաճողական գործողություններին զուգընթաց մասսայական ապստամբություններ են պոռթկում Բյուզանդիայի դեմ նաև Հյուսիսային Աֆրիկայում և Իտալիայում:

Հատկապես ուշադրության արժանի էին Ջեկուցողի բերած փաստերը (քաղված Պրոկոպիոսի «Դոթական պատերազմների պատմություն» աշխատությունից) Իտալիայի մասին:

2. Ուդալցովան համոզիչ կերպով ցույց տվեց, որ Իտալիայում Հուստինիանոսի բանակներն ստանում էին տեղական ստրկատերերի և գոթական վերնախավերի օգնությունը, և ընդհակառակը՝ բյուզանդական բանակների դեմ միասնական ճակատով դուրս էին գալիս Իտալիայի հարստահարվող մասսաները՝ ստրուկներն ու գյուղացիները և ազատ բարբարոսները: Այսպիսով, Բյուզանդիայի դեմ ուղղված պայքարը վեր էր ածվում ժողովրդա-ազատագրական պատերազմի, ընդդեմ ստրկատիրական ոնակցիայի:

Ջեկուցման շուրջը բացվեց մտքերի աշխույժ փոխանակություն: Պրոֆ. Մ. Վ. Լեչենկոն և Ն. Է. Լիպչիցը գտան, որ Ջեկուցողը պետք է նկատի ունենար նաև այն հանգամանքը, որ Հուստինիանոսի ժամանակ նշանակալից չափով փոխվել էր ստրկատիրական արիստոկրատիայի և սենատորների կազմը: Բարբարոսական ցեղերի վերնախավերից շատ ներկայացուցիչներ, որոնց շահագործման հիմնական եղանակը ֆեոդալականն էր, դարձել էին սենատորներ ու պետական բարձր պաշտոնյաներ: Բյուզանդական կայսրության մեջ Ուստի և հին շատ տերմիններ ու տիտղոսներ, Հուստինիանոսի ժամանակ արդեն, ստացել էին նոր բովանդակություն:

Ն. Է. Լիպչիցի Ջեկուցումը կրում էր «Պավլիկյաններն ու պատկերամարտները Բյուզանդիայում VIII—IX դարերում» վերնագիրը:

Պավլիկյան շարժման մասին բազմաթիվ ուսումնասիրություններ գոյություն ունեն, սակայն նրանք, ըստ մեծի մասին, շոշափում են աղբյուրագիտական հարցեր և կամ քննում են միայն պավլիկյանների կրոնա-դավանաբանական հայացքները: Ջեկուցողն իր առաջ խնդիր էր դրել, օգտագործելով նաև ուրիշների կողմից անուշադրության մատնված որոշ ժամանակագրական, վարքաբանական, դավանաբանական երկեր, քննության ենթարկել պավլիկյան շարժման և պատկերամարտության կապերի ողջ կոմպլեքսը:

VI դարի կեսերից պավլիկյան շարժումը լայն տարածում էր գտել կայսրության արևելյան պրովինցիաներում և Ասորիքի սահմաններում: Կայսրությունը փորձում էր ռեպրեսիաների միջոցով կանխել շարժման հետագա տարածումը, սակայն անհետևանք (687—690 թթ.): Իսավրյան դինաստիայի ժամանակ վերաբերմունքը պավլիկյանների հանդեպ փոխվում է: Խազմակալվածատիրական դասի շահերը ներկայացնող Իսավրյան կայսրները VIII դարի 20-ական թթ. բանակցություններ են սկսում պավլիկյան ղեկավարների հետ, ձգտելով շարժումը հարմարեցնել իրենց պատկերամարտական քաղաքականությանը: VIII դարի վերջերին՝ պատկերապաշտության ժամանակավոր ունակցիայի տարիներին, ավելի է ուժեղանում պավլիկյանների և պատկերամարտների դաշինքը: IX դարի երկրորդ տասնամյակից կայսրությունն արմատապես փոխում է իր քաղաքականությունը պավլիկյանների հանդեպ: Սկսվում է դաժան հալածանքների մի շրջան, որը շարունակվում է նաև պատկերամարտ և՛ ինչ V կայսեր ժամանակ: 820 թ. պավլիկյաններն առաջին անգամ զենք են վերցնում կայսրության դեմ, միավորվում են հարստահարվող մասսաների այլ օպոզիցիոն խմբերի հետ (Թովմա Սլավոնի գլխավորած շարժման և այլն) և որպես միասնական հերձված սկսած շարժումը վեր է ածվում բացարձակ զինված ապստամբության:

Մի շարք հաջողություններից հետո պավլիկյան շարժումը, նման Ռիչնադարյան մյուս բոլոր գյուղացիական տարերային շարժումներին, պարտություն է կրում: Սակայն շարժման գաղափարները շարունակում են տարածվել և հետագայում: Բուլղարիայի բոգոմիլների և այլ ազգակից շարժումների մեջ ակնհայտ է պավլիկյան գաղափարների առկայությունը:

Շատ արժեքավոր էր Ե. Է. Հիպշիցի զեկուցման երկրորդ թաժինը, որտեղ ցույց էին տրված ու տարբերակված պավլիկյանների և պատկերամարտների սոցիալ-տնտեսական հիմքերը և գաղափարական դրույթները:

Պավլիկյան շարժումը ստրուկ-սերվերի և ընչազուրկ գյուղացիների շարժում էր: Պավլիկյանները ձգտում էին արմատապես վերափոխել առկա հասարակական կարգերը: Քարոզելով «աստծո որդիների հավասարություն» նրանք երազում էին քաղաքացիական և գույքային հավասարություն:

Պլեբեյա-դեմոկրատական պավլիկյան շարժման հակառակ, պատկերամարտներն արտահայտում էին ուսման-կալվածատիրական դասի շահերը: Պատկերամարտները ձգտում էին վանական հողատիրության հաշվին մեծացնել իրենց կալվածքները և որոշ ռեֆորմների միջոցով ամրացնել առկա հասարակական-քաղաքական հարաբերությունների հիմքերը:

Մեծ հետաքրքրություն ներկայացնող այս զեկուցումը գերծ չէր մասնակի թերություններից: Առկա փաստերը, որքան էլ նրանք պատահական են ու ցարուցրիվ, հնարավորություն են տալիս շարադրելու պավլիկյան շարժման գաղափարախոսությունն ու աշխարհայացքը: Զեկուցողը ոչ թավարար չափով էր օգտագործել այդ հնարավորությունը:

Պավլիկյան շարժումը հիմնականում ծագեց ու տարածվեց բյուզանդական կայսրության արևելյան պրովինցիաներում, որոնցում էթնիկապես գերակշռում էին հայերը: Շարժումը լայն շափով տարածվել էր նաև Հայաստանի պարսկական լծի տակ հեծող հատվածում: Այս կարևոր հանգամանքը և մի շարք այլ փաստեր հնարավորություն են ընձեռնում ուսումնասիրողին պավլիկյան շարժման մեջ դիտելու նաև ժողովրդա-ազատագրական կողմը՝ հայ աշխատավորների պայքարը ընդդեմ բյուզանդական կայսրության: Սակայն զեկուցումից թնավ չէր երևում շարժման այս հետաքրքիր կողմը:

Սևսիայի հաջորդ նիստում (դեկտեմբերի 7-ի երեկոյան) «Կոստանդին Միրանաժինը և Ռուսաստանը» արժեքավոր զեկուցմամբ հանդես եկավ պրոֆ. Մ. Վ. Լեչենկոն:

Մանրակրկիտ քննության ենթարկելով Կոստանդին Միրանաժինի «Թեմերի մասին» և «Ժողովուրդների մասին» աշխատությունների այն հատվածները, որոնք վերաբերում են Ռուսաստանին և հյուսիսային սեծովափնյա շրջաններին, զեկուցողը ցույց տվեց, որ հակառակ յուրօրուական նորմակիտ-պատմաբանների բարձր գնահատականի, Միրանաժինի հաղորդած տեղեկությունները վստահելի չեն, գերազանցապես քաղված են պատահական, չստուգված աղբյուրներից, հաճախ հակասում են միմյանց, ուստի և նրանցից պետք է օգտվել շատ զգուշաբար՝ առաջնություն տալով տեղական աղբյուրների տեղեկություններին:

Հանդես գալով մտքերի փոխանակությանը պրոֆ. Հ. Կ. Կուսիկյանը հայտնեց, որ ինքը, տարիներ առաջ, նման եզրակացության է հանգել համեմատելով Միրանաժինի հաղորդած տեղեկությունները հայերի ու Հայաստանի մասին՝ հայկական աղբյուրների հետ:

Դեկտեմբերի 8-ի նիստում ուշագրավ զեկուցում կարդաց սևսիայի ամենաերիտասարդ մասնակից, պատրաստված ու խոստումնային բյուզանդագետ Ա. Պ. Կաժդանը: Նրա զեկուցման թեման էր՝ «Բյուզանդիական շարժումները Բյուզանդիայում X դարում և մակեդոնական դինաստիայի կայսրների ազդարարյին քաղաքականությունը»:

Արեմտա-եվրոպական և ռուսական բուրժուական բյուզանդագետները, — ասաց զեկուցողը, — աղավաղում են Մակեդոնյան դինաստիայի կայսրների սպարապին քաղաքականությունը, վերագրելով նրան գյուղացիության շահերի պաշտպանություն: Այդ քաղաքականությունը կարող է ըմբռնվել միայն X դարի գյուղացիական շարժումների ու տիրող դասակարգի տարրեր շերտերի բախումների ու պայքարի հետ շաղկապված:

X դարի ընթացքում Բյուզանդիայում բռնկվել են մի շարք գյուղացիական ապստամբություններ՝ Բարսեղ Մակեդոնացու գլխավորությամբ 982 թ. ապստամբությունը Սրսիկիա թեմում, պելոպոնեսյան սլավոնների ևլույթը 943 թ. հարկային ծանր լծի դեմ, 971 թ. գյուղացիական շարժումը Կապադովկիայում, որն օգտագործվեց Վարդ Փոկասի կողմից այլ նպատակներով և այլու:

Ուսումնասիրելով այդ շարժումները, ժամանակի սոցիալ-տնտեսական հարաբերությունները և կայսրության հարկային քաղաքականությունը, զեկուցողը հանդում է այն եզրակացության, որ Մակեդոնյան դինաստիայի ազդարարյին օրենսդրությունը X դարի գյուղացիական շարժումների արդյունք էր: Բյուզանդական կայսրները ստիպված էին մի փոքր թեթևացնել աշխատավորների դրությունը: Ըստ որում այդ դինաստիայի ներկայացուցիչների մի մասը (օրինակ՝ Ռուֆանոս Ա. Լեկապինը) ձգտում էր փոքր ինչ զսպել գյուղացիական հողամասերը յուրացնող և

աղատ հողագործներին կախյալ գրության մեջ գցող ֆեոդալների ախորժակը, միաժամանակ ուժեղացնելով հարկային լուծը, իսկ մյուս մասը (օրինակ՝ Հովհան Չմշկիկը) որոշ չափով թեթևացնում էր հարկային լուծը, բայց պայմաններ էր ստեղծում ֆեոդալական կալվածքների ծավալման ու աճման համար:

Ա. Պ. Կաժդանի ղեկուցումը լավեց մեծ հետաքրքրությամբ:

Բյուզանդական կերպարվեստի լավագիտակ մասնագետ Վ. Ն. Լազարևը հանդես եկավ Սեսիայում ԽԻՎ դարի վերջի բյուզանդական նկարչության նոր հուշարձաններն թեմայով: Նա հաղորդեց իր ուսումնասիրության արդյունքները Սերպուխովի Վիտոցկյան վանքի սրբապատկերների մասին, որոնք 1920—1937 թթ. ուստավրացիայի ենթարկվելով այժմ պահվում են Տրետյակովյան թանգարանում (Մոսկվա) և Ռուսական թանգարանում (Լենինգրադ): Այդ սրբապատկերները նկարված են Կոստանդնուպոլսում, հույն նկարչի կողմից, 1387—1395 թթ. ընթացքում և հանդիսանում են բյուզանդական նկարչության անկման շրջանի գործեր:

Դրանց համեմատությունը Սավինո-Ստորոժկյան վանքում պահված ուս նշանավոր նկարիչ Ռուբլևի սրբապատկերների հետ հստակորեն ցույց է տալիս, որ XIV դարում գեղարվեստական ստեղծագործության ծանրության կենտրոնը Կոստանդնուպոլսից տեղափոխվել էր Մոսկվա: Մոսկվան դարձել էր ողջ սլավոնական աշխարհի գեղարվեստական մշակույթի կենտրոնը:

Վ. Ն. Լազարևի բերած հարուստ իլլուստրատիվ փաստերը ըստ ամենայնի հաստատում էին նրա եզրակացությունը:

Ի. Տ. Բորյանովի ղեկուցումը նվիրված էր պալեոլոգների ժամանակաշրջանի աշխատավորական շերտերի գաղափարախոսությանը (Բյուզանդական ֆեոդալական հասարակության շահագործվող դասակարգերի հասարակական քաղաքական գաղափարախոսությունը ըստ պարականոն — а покриш գրականության):

Այս ղեկուցումը Ի. Տ. Բորյանովի Բյուզանդական կուլտուրան պալեոլոգների ժամանակաշրջանի մենագրության մի հատվածն էր միայն, որում հեղինակը փորձ էր արել ուշ բյուզանդական պարականոն գրվածքների հիման վրա (որոնք ըստ ղեկուցողի ժողովրդական ստեղծագործություններ են) ուսումնասիրել Բյուզանդիայի հարստահարվող մասսաների հասարակական-քաղաքական հայացքները, տնտեսական ու կենցաղային վիճակը և այլն: Պարականոն գրվածքները հնարավորություն են տալիս ուսումնասիրելու նաև ժողովրդական խոսակցական լեզուն:

Սեսիայի վերջին նիստում, որը տեղի ունեցավ դեկտեմբերի 9-ին, լավեց Լ. Խաչիկյանի հաղորդումը Հայկական ՍՍՌ Մինիստրների Սովետին կից Պետական Զեռագրատան (Մատենադարանի) պատմական կարևոր սկզբնաղբյուրների մասին և բննարկվեց ՍՍՌՄ Գիտությունների Ակադեմիայի Պատմության և Փիլիսոփայության բաժնի բյուրոյի կողմից հաստատվելիք որոշման նախագիծը սովետական բյուզանդագիտության վիճակի և խնդիրների մասին:

Որոշման նախագծում մի շարք կետեր կան, որոնք վերաբերում են հայագիտական և բյուզանդագիտական աշխատանքների կոորդինացման՝ Մոսկվայում, Լենինգրադում և Սովետական Սիբիրյան այլ քաղաքներում ու ուսպուլիկաներում աշխատող բյուզանդագետների կապի ուժեղացման, հայկական կարևոր ձեռագիր սկզբնաղբյուրների հայերեն և ռուսերեն լեզուներով հրատարակման և մի շարք այլ կարևոր հարցերի:

Բյուզանդագիտության հարցերին նվիրված V սեսիան ցույց տվեց, թե ինչպիսի նշանակալից արդյունքների կարելի է հասնել նույն բնագավառի գիտական աշխատողների ջանքերը միևնույն պրոբլեմի վրա կենտրոնացնելով: Սեսիայի ղեկուցումները գերազանցապես նվիրված էին Բյուզանդիայի պատմության տարբեր շրջանների ժողովրդական-սոցիալական շարժումների ուսումնասիրմանն ու զննահատմանը:

Սովետական բյուզանդագետները, անտարակույս, այս կարևոր պրոբլեմի լուծման գործում գդալի հաջողություններ ունեն:

Սեսիայում միաժամանակ պարզվեց, որ բյուզանդագիտական մի շարք կարևոր պրոբլեմներ (հատկապես Բյուզանդիայի պատմության պերիոդիզացիայի պրոբլեմը) դեռևս միատեղ բնույթի չեն ենթարկվել և չեն ստացել իրենց գիտական լուծումը:

Սեսիան ցույց տվեց նաև, որ սովետական բյուզանդագիտությունը հարստացել է երիտասարդ ու շնորհալի կադրերով, որոնք խորապես ուսումնասիրելով սկզբնաղբյուրները և զինված լինելով մարքս-լենինյան ուսմունքով, իրենց ավագ ընկերների հետ մեկտեղ, ի վիճակի են լուծելու բյուզանդագիտության առաջ ծառացած բարդ պրոբլեմները: